

FRAMKVÆMDARÁKVÖRÐUN FRAMKVÆMDASTJÓRNARINNAR

2017/EES/10/49

frá 16. júlí 2012

um viðurkenningu á Red Tractor Farm Assurance Combinable Crops & Sugar Beet Scheme til að sýna fram á að viðmiðunum um sjálfbærni samkvæmt tilskipunum Evrópuþingsins og ráðsins 98/70/EB og 2009/28/EB hafi verið fylgt

(2012/395/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB ⁽¹⁾, einkum 6. mgr. 18. gr.,

með hliðsjón af tilskipun Evrópuþingsins og ráðsins 98/70/EB frá 13. október 1998 um gæði bensíns og díseildsneytis ⁽²⁾, eins og henni var breytt með tilskipun 2009/30/EB ⁽³⁾, einkum 6. mgr. 7. gr. c,

að höfðu samráði við ráðgjafarnefndina sem komið var á fót með 2. mgr. 25. gr. tilskipunar 2009/28/EB,

og að teknu tilliti til eftirfarandi:

- 1) Mælt er fyrir um viðmiðanir um sjálfbærni fyrir lífildsneyti bæði í tilskipun 98/70/EB og 2009/28/EB. Ákvæði 7. gr. b, 7. gr. c í tilskipun 98/70/EB og IV. viðauka við hana eru svipuð ákvæðum 17. og 18. gr. tilskipunar 2009/28/EB og V. viðauka við hana.
- 2) Þegar telja skal lífildsneyti og fljótandi lífildsneyti með, að því er a-, b- og c-lið 1. mgr. 17. gr. tilskipunar 2009/28/EB varðar, ættu aðildarríkin að krefjast þess að rekstraraðilar sýni að viðmiðanirnar um sjálfbærni fyrir lífildsneyti og fljótandi lífildsneyti, sem settar eru fram í 2.–5. mgr. 17. gr. tilskipunar 2009/28/EB, hafi verið uppfylltar.
- 3) Í 76. forsendu tilskipunar 2009/28/EB segir að koma skuli í veg fyrir að ósanngjörn byrði sé lögð á iðnaðinn og að valfrjálsar áætlanir geti stuðlað að framsetningu skilvirkra lausna til að sýna fram á að þessar viðmiðanir um sjálfbærni séu uppfylltar.
- 4) Framkvæmdastjórnin getur ákveðið að valfrjáls landsbundin eða alþjóðleg áætlun skuli sýna að lífildsneytisendingar uppfylli viðmiðanir um sjálfbærni, sem eru

settar fram í 3.–5. mgr. 17. gr. tilskipunar 2009/28/EB, eða að valfrjáls landsbundin eða alþjóðleg áætlun um mælingar á minnkun losunar gróðurhúsalofttegunda innihaldi nákvæm gögn að því er 2. mgr. 17. gr. þessarar tilskipunar varðar.

- 5) Framkvæmdastjórnin getur viðurkennt slíka valfrjálsa áætlun til fimm ára.
- 6) Þegar rekstraraðili leggur fram sannanir eða gögn, sem aflað er í samræmi við valfrjálsa áætlun sem framkvæmdastjórnin hefur viðurkennt, að því marki sem þau falla undir þá ákvörðun um viðurkenningu, skal aðildarríki ekki krefjast þess að birgir leggi fram frekari gögn sem sýna fram á að viðmiðanirnar um sjálfbærni hafi verið uppfylltar.
- 7) Áætlunin um „Red Tractor Farm Assurance Combinable Crops & Sugar Beet Scheme“ var lögð fram til framkvæmdastjórnarinnar 4. apríl 2012 ásamt beiðni um viðurkenningu. Áætlunin nær til kornvara, oliufræs og sykkurrofna, sem framleidd eru í Bretlandi, að fyrsta afhendingarstað þessara nytjaplantna. Gera ætti viðurkenndu áætlunina aðgengilega á gagnsæisvettvanginum sem var komið á fót samkvæmt tilskipun 2009/28/EB. Framkvæmdastjórnin ætti að taka tillit til þátta sem eru viðkvæmir í viðskiptalegu tilliti og getur ákveðið að birta einungis hluta áætlunarinnar.
- 8) Mat á áætluninni „Red Tractor Farm Assurance Combinable Crops & Sugar Beet Scheme“ sýndi að hún tekur með fullnægjandi hætti til viðmiðana um sjálfbærni í 7. gr. b (3., 4. og 5. mgr.) í tilskipun 98/70/EB og 17. gr. (3., 4. og 5. mgr.) tilskipunar 2009/28/EB, auk þess sem beitt er massajöfnuðaraðferð að fyrsta afhendingarstað þessara nytjaplantna í samræmi við kröfur 7. gr. c (1. mgr.) í tilskipun 98/70/EB og 18. gr. (1. mgr.) tilskipunar 2009/28/EB. Áætlunin nær ekki yfir 7. gr. b (2. mgr.) í tilskipun 98/70/EB og 17. gr. (2. mgr.) tilskipunar 2009/28/EB en veitir nákvæm gögn varðandi tvo þætti sem nauðsynlegir eru að því er varðar 7. gr. b (2. mgr.) í tilskipun 98/70/EB og 17. gr. (2. mgr.) tilskipunar 2009/28/EB, einkum landsvæðið sem nytjaplönturnar koma frá og losun, á ársgrundvelli, vegna breytinga á kolefnisbirgðum vegna breytinga á landnýtingu. Viðmiðanir um sjálfbærni taka ekki til hluta af landi lítils hluta meðlima í áætluninni. Í meðlimaskrá gagnagrunns áætlunarinnar á vefnum er tilgreint hvort farið er að viðmiðunum á landi meðlima hennar, að hluta eða að fullu, og sýnt hvort sendingar uppfylli viðmiðanirnar um sjálfbærni í vegabréfinu fyrir nytjaplöntur sem eru uppskornar með þreskivél

(*) Þessi ESB-gerð birtist í Stjtið. ESB L 187, 17.7.2012, bls. 62. Hennar var getið í ákvörðun sameiginlegu EES-nefndarinnar nr. 26/2016 frá 5. febrúar 2016 um breytingu á II. viðauka (Tæknilegar reglugerðir, staðlar, prófanir og vottun) og IV. viðauka (Orka) við EES-samninginn, biður birtingar.

⁽¹⁾ Stjtið. ESB L 140, 5.6.2009, bls. 16.

⁽²⁾ Stjtið. EB L 350, 28.12.1998, bls. 58.

⁽³⁾ Stjtið. ESB L 140, 5.6.2009, bls. 88.

(*e. combinable crops passport*), einnig nefnd yfirlýsing eftir uppskeru (*e. post-harvest declaration*).

- 9) Við mat á áætluninni „Red Tractor Farm Assurance Combinable Crops & Sugar Beet Scheme“ reyndist hún uppfylla viðeigandi staðla um áreiðanleika, gagnsæi og óháða endurskoðun.
- 10) Aðrir viðbótarþættir um sjálfbærni sem áætlunin „Red Tractor Farm Assurance Combinable Crops & Sugar Beet Scheme“ nær til eru ekki hluti af umfjöllunarefni þessarar ákvörðunar. Þessir viðbótarþættir um sjálfbærni eru ekki skyldubundnir til að sýna fram á að farið sé að kröfum um sjálfbærni sem kveðið er á um í tilskipun 98/70/EB og 2009/28/EB.

SAMÞYKKT ÁKVÖRDUN ÞESSA:

1. gr.

Valfrjálsa áætlunin „Red Tractor Farm Assurance Combinable Crops & Sugar Beet Scheme“, en beiðni um viðurkenningu hennar var lögð fyrir framkvæmdastjórnina 4. apríl 2012, sýnir, fyrir tilstilli vegabréfsins fyrir nytjaplöntur sem eru uppskornar með þreskivél, að kornvöru-, olíufræja- og sykurrófusendingar uppfylla viðmiðanirnar um sjálfbærni, eins og mælt er fyrir um í 3., 4., og 5. mgr. 17. gr. tilskipunar 2009/28/EB og 3., 4. og 5. mgr. 7. gr. b í tilskipun 98/70/EB. Áætlunin inniheldur einnig nákvæm gögn að því er varðar 17. gr. (2. mgr.) tilskipunar 2009/28/EB og 7. gr. b (2. mgr.) í tilskipun 98/70/EB að því er varðar losun, á ársgrundvelli, vegna breytinga á kolefnisbirgðum vegna breytinga á landnýtingu (e), sem um getur í 1. lið í C-hluta IV. viðauka við tilskipun 98/70/EB og 1. lið í C-hluta V. viðauka við tilskipun 2009/28/EB, sem sýnt er fram á að jafngildi núlli, og að því er snertir landsvæðið, sem um getur í 6. lið í C-hluta IV. viðauka við tilskipun 98/70/EB og 6. lið í C-hluta V. viðauka við tilskipun 2009/28/EB.

Heimilt er að nota valfrjálsu áætlunina „Red Tractor Farm Assurance Combinable Crops & Sugar Beet Scheme“ að fyrsta afhendingarstað fyrir viðkomandi sendingar til að sýna fram á að ákvæði 1. mgr. 7. gr. c í tilskipun 98/70/EB og 1. mgr. 18. gr. tilskipunar 2009/28/EB hafi verið uppfyllt.

2. gr.

Ákvörðunin gildir í fimm ár frá gildistöku hennar. Ef gerðar eru breytingar á efni áætlunarinnar, eftir samþykkt á þessari ákvörðun, sem kunna að hafa áhrif á grundvöll þessarar ákvörðunar, skal tilkynna framkvæmdastjórninni um breytingarnar án tafar. Framkvæmdastjórnin leggur mat á tilkynntar breytingar með það fyrir augum að ákvarða hvort áætlunin taki enn með fullnægjandi hætti til viðmiðana um sjálfbærni sem liggja að baki viðurkenningu hennar.

Ef sýnt hefur verið fram á það með skýrum hætti að áætlunin hafi ekki komið til framkvæmda þáttum sem hafa afgerandi þýðingu fyrir þessa ákvörðun og ef alvarlegt rof hefur orðið í uppbyggingu þessara þátta getur framkvæmdastjórnin fellt þessa ákvörðun úr gildi.

3. gr.

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 16. júlí 2012.

Fyrir hönd framkvæmdastjórnarinnar,

José Manuel BARROSO

forseti.